

ҰЙЫМДАР АРАСЫНДАҒЫ ӨЗАРА ТҮСІНІСТІК ЖӘНЕ ЫНТЫМАҚТАСТЫҚ ТУРАЛЫ МЕМОРАНДУМ

«15» мамыр 2024 жыл

Павлодар облысы білім басқармасы, Павлодар қаласы білім беру бөлімі, «Павлодар қаласы Мәшһүр Жүсіп атындағы жалпы орта білім беру мектебі» КММ басшысы Бекбаева Айнур Тлегеновна, бір жағынан және Астана қаласы әкімдігінің «Мәшһүр Жүсіп атындағы №57 орта мектеп» шаруашылық жүргізу құқығындағы мемлекеттік коммуналдық кәсіпорны басшысы Сүндетов Габит Насырович, екінші жағынан, бұдан әрі бірге «Тараптар» деп атала отырып, осы Ынтымақтастық туралы меморандумды (бұдан әрі Меморандум) жасады.

Қазақстанның білім беру жүйесі қызметкерлерінің біліктілігін жоғарылату қызметінде Тараптардың кәсіби және әдістемелік әлеуетін барынша толық әрі ұтымды пайдалану, тәжірибемен және ақпаратпен алмасудың Тараптар үшін үлкен маңызға ие екенін назарға ала отырып келісті:

1. МЕМОРАНДУМНЫҢ МӘНІ МЕН МАҚСАТЫ

1.1. Тараптар осы Меморандумның және ҚР заңнамасының, қағидалардың, нормалардың шарттарына сәйкес ақпарат алмасу, «Павлодар қаласы Мәшһүр Жүсіп атындағы жалпы орта білім беру мектебі» КММ және Астана қаласы әкімдігінің «Мәшһүр Жүсіп атындағы №57 орта мектеп» шаруашылық жүргізу құқығындағы мемлекеттік коммуналдық кәсіпорны педагогтерінің кәсіби шеберлігі мен шығармашылығын арттыруға, білім беру ұйымдарында өтілетін іс-шараларға жаңа серпін беруге жағдай жасау мақсатында күш біріктіріп, ынтымақтастық құрады.

1.2. Меморандумның мақсаты- Тараптардың өзара келісімі арқылы өзара әріптестік және серіктестік қарым-қатынастарды дамыту арқылы білім беру саласындағы инновациялық жобаларды жүзеге асыруда ынтымақтастықты нығайту.

2. ЫНТЫМАҚТАСТЫҚТЫҢ НЕГІЗГІ ТАЛАПТАРЫ

2.1. Осы Меморандумға қол қою арқылы Тараптар мынадай әрекеттерді жасауға әзірлігін білдіреді:

- 1) Республика көлемінде жүзеге асырылып отырған инновациялық жобалар аясында өзара қолдауды іске асырады;
- 2) Тараптар үшін өзара пайдалы болып табылатын бағдарламалар бойынша кәсіби байланыс орнатады;
- 3) Білім берудің заманауи технологиялары мен жаңалықтары туралы ақпарат алмасады;
- 4) Білім берудің жоғары сапасына қол жеткізу бойынша табысты педагогикалық тәжірибелермен алмасу мақсатында бірлескен кәсіби бірлестіктерді және/немесе желілік қауымдастықтарды құрады;
- 5) Өзара бірлескен зерттеулерді, бағдарламалар мен жобаларды жүзеге

асырады;

6) Өзара (келісім бойынша) ақпаратпен, құжаттармен, әдебиетпен және библиографиялық басылымдармен алмасады және өзара кеңестер (консультациялар) береді;

7) Бірлескен (келісім бойынша) ғылыми, оқу, ақпараттық, аналитикалық басылымдарды (монографиялар, оқулықтар, құралдар, баяндамалар, мақалалар) дайындайды;

8) Бірлескен әдістемелік форумдар, конференциялар, семинарлар, кеңестер, дөңгелек үстелдер және басқа да өзара қызығушылық тудыратын мәселелер бойынша іс-шараларды ұйымдастырады және өткізеді;

9) Тараптар қызметкерлерінің тәжірибе алмасуын, кездесуін және тағылымдамадан өтуін келіседі;

3. БІРЛЕСКЕН ІС-ШАРАЛАР ӨТКІЗУ

3.1.Тараптар (келісім бойынша) меморандум аясында бірлескен іс-шараларды төмендегі бағыттар аясында өткізеді:

1)ҚР Үкіметінің 2023 жылғы 28 наурыздағы № 249 қаулысымен бекітілген «Қазақстан Республикасында мектепке дейінгі, орта, техникалық және кәсіптік білім беруді дамытудың 2023 – 2029 жылдарға арналған тұжырымдамасын бекіту туралы» іске асыру;

2) 2023– 2025 жылдарға арналған «Бір тұтас тәрбие бағдарламасын» іске асыру жағдайында білім беру ұйымдарында тәрбие үдерісін ұйымдастырудың заманауи амалдары;

3) Мектеп басқарудағы өзара тиімді тәжірибе, басқару сапасын жетілдіру жолдары;

4) Педагогтерінің озық педагогикалық тәжірибесін Тараптардың кадр тапшылығы бар, білім сапасы төмен білім беру ұйымдарына тарату;

5) Инклюзивті білім беруді дамыту бойынша үздік тәжірибелермен алмасу;

6) Білім мазмұнын жаңарту жағдайында мектепке дейінгі білім беру ұйымдарында оқу-тәрбие үдерісі сапасын арттыру;

7) Педагогтердің кәсіби шеберлігін тілдік дағды мен коммуникативтік құзыреттілік әдістемесі негізінде жетілдіру;

8) Педагогтердің цифрлық сауаттылығын дамытудың заманауи трендтері;

9) Мектеп оқушыларын халықаралық салыстырмалық зерттеулерге дайындау және т.б.

4. ЫНТЫМАҚТАСТЫҚТЫ ҰЙЫМДАСТЫРУ

4.1.Тараптар осы Меморандумды орындау жөніндегі өзара іс-қимылдарды үйлестіру үшін Тараптардың өкілдері арасынан жұмысшы топ құра алады.

4.2.Ынтымақтастықтың (жұмыстардың, жобалардың) жекелеген бағыттарын іске асыру үшін Тараптардың белгіленген тәртіппен жекелеген шарттар (келісімдер) жасасуға мүмкіндігі бар.

4.3.Тараптар осы Меморандумның орындалуын және қажет болған жағдайда оған өзгерістер мен толықтырулар енгізуді талқылау үшін жылына

кем дегенде бір рет Тараптардың өкілдерінің кездесулерін өткізуге келісті.

5. ҚОЛДАНУ МЕРЗІМІ ЖӘНЕ БҰЗУ ТАЛАПТАРЫ

5.1. Осы Меморандум Тараптар қол қойған сәттен бастап күшіне енеді және Тараптардың бірі екінші Тарапқа Меморандумның қолданысын тоқтату ниеті туралы жазбаша хабарлама жібергенге дейін қолданылады. Мұндай жағдайда, Меморандумның қолданысы Тараптардың бірінің тиісті жазбаша хабарлама жіберген күннен 30(отыз) күнтізбелік күн өткен күннен бастап тоқтатылды деп есептелінетін болады.

6. ҮШІНШІ ТАРАПТАРДЫҢ ҚАТЫСУЫ

6.1. Әрбір Тарап екінші Тараптың келісімі бойынша осы Меморандум шеңберінде жүзеге асырылатын бірлескен жобаларға немесе бағдарламаларға үшінші Тараптың қатысуын ұсына алады. Осындай бірлескен жобалар мен бағдарламаларды өткізу кезінде қатысушылар үшінші Тараптың осы Меморандумның ережелеріне сәйкес келуін қамтамасыз етеді.

7. ҚҰПИЯЛЫЛЫҚ

7.1. Әрбір Тарап осы Меморандум немесе осы Меморандумға сәйкес қабылданған кез келген басқа келісімдерді іске асыру кезеңінде басқа Тараптан алынған немесе ұсынылған құжаттардың, ақпараттардың және өзге де деректердің таратылмауын және құпиялылығын сақтайды.

7.2. Екі Тарап осы баптың ережелері осы Меморандум қолданысының тоқтатылуына қарамастан, екі Тарап арасында өзінің қолданысын жалғастырады деп келіседі.

Тараптардың заңды мекен-жайлары мен деректемелері:

Осыны куәландыру үшін уәкілеттік берілген төменде қол қоюшылар осы Меморандумға қол қойды.

Павлодар облысы білім басқармасы,
Павлодар қаласы білім беру бөлімі,
«Павлодар қаласы Мәшһүр Жүсіп
атындағы жалпы орта білім беру
мектебі» КММ

Мекен- жай: Павлодар қаласы,
Камзин көшесі, 62/1.

Call центр: 87742684795

Басшы: Бекбаева А.Т.



Астана қаласы әкімдігінің
«Мәшһүр Жүсіп атындағы №57 орта
мектеп» шаруашылық жүргізу
құқығындағы мемлекеттік
коммуналдық кәсіпорны

Мекен - жай: Астана қаласы,
Шарбақты көшесі, 46.

Call центр: 87029556475

Басшы: Сундетов Г.Н.

